

La Quotidiana 10-7-2015, p. 22

17.25 CONTRASTS SIN SRF 1

«Sas anc?»: Jeu e miu Carigiet

Jau sai anc, l'onn 2002 vess noss Aluis Carigiet cumplenì 100 onns. Quella giada aveva Bertilla Giossi da la Televisiun Rumantscha deditgà in film bel ed aposta al pictur da Trun, conuschent sin tut il mund. Anc pli popular che l'artist sez, è be anc la figura incredibla ch'el ha creà, Ursin. Ursin qua, Ursin là, Ursin en mintga stiva ed ustaria, sco comic e sco film. Gist



ussa vegn l'istorgia da Ursin e sia plum-pa, filmada anc ina giada, e quai dal conuschent reschissur Xavier Koller. Bertilla Giossi percunter, aveva purtretà sis personas che han enconuschì ed han gì da far cun l'artist individualist. Ellas raquintan dad el e dal maletg che Carigiet aveva fatg aposta be per els.